

Kadeti položili zakletvu



Podmlađivanje kadrova

SIPA dobila 20 mladih inspektora

Peta generacija kadeta SI-PA-e položila je zakletvu čime je zvanično počeo njihov rad u ovoj policijskoj agenciji. Kadeti, njih 20, zakletvu su položili pred državnim ministrom sigurnosti Draganom Mektićem.

Ministar sigurnosti BiH je naglasio da je ovo znak da se SIPA podmlađuje, jača i priprema za sve izazove koji se nalaze pred njom.

- Uniforma i značka koju nosite donosi vam i veliku odgovornost. Ne dozvolite da bilo šta ukalja vašu čast, da naruši ugled Agencije u kojoj radite i države kojoj služite. Budite dosljedni u

primjeni zakona, hrabri u suprotstavljanju kriminalu i u izvršavanju policijskih poslova - poručio je Mektić.

Direktor SI-PA-e Perica Stanić je kadetima rekao da su postali dio ozbiljnog sistema te da se od njih očekuje da svoj posao obavljaju zakonito, profesionalno i časno, i da budu u službi građana.

Kadeti su nakon selekcije, u okviru konkursne procedure za prijem u SI-PA-u, završili četveromjesečnu osnovnu policijsku obuku za sticanje čina mladi inspektor, koju je provela Agencija za školovanje i stručno usavršavanje kadrova.